

漢書

五十九

王莽傳第六十九下

漢書九十九下

漢 護 軍 班 固 撰

唐議奏行秘書監張鷟關國子顏 師古 集註

四年五月莽曰保成師友祭酒唐林故諫

議祭酒琅邪紀遂師古曰遂音千旬反孝悌忠

恕敬上愛下博通舊聞德行醇備至於黃

髮師古曰黃髮老稱謂其封林為建

德侯遂為封德侯位皆特進見禮如三公

師古曰朝賜第一區錢三百萬授几杖焉六

月更授諸侯茅土於明堂曰予制作地理

建封五等考之經執合之傳記通於義理

○宋祁曰考之合之字下各論之思之至於再三

自始建國之元以來九年于茲廼今定矣

予親設文石之平陳菁茅四色之土師古曰

尚書禹貢苞匭菁茅儒者以為菁菜名也茅二春有茅也而莽此

言以菁茅才為一物則是謂菁茅才為菁茅也土有五色而

此云四者中央之土 欽告于岱宗泰社后土先



王莽下

祖先妣以班授之

師古曰欽敬也班布也

各就厥國養牧

民人用成功業其在緣邊若江南非詔所

召遣侍于帝城者納言掌貨大夫且調都

內故錢予其祿

師古曰調謂發取之音徒鈞反次下亦同

八公歲八十

萬侯伯四十萬子男二十萬然復不能盡

得莽好空言慕古法多封爵人性實遴嗇

師古曰遴讀與吝同

託以地理未定故且先賦茅土用

慰喜封者是歲復明六筦之令每一筦下

山碑卷九

卷九

二

為設科條防禁犯者罪至死吏民抵罪者

浸衆又一切調上公以下諸有奴婢者率

一口出錢三千六百天下愈愁盜賊起

邪曰起字上當有興字

納言馮常以六筦諫莽大怒免

常官置執法左右刺姦選用能吏侯霸等

分督六尉六隊

師古曰督察也隊音遂

如漢刺史與三

公士郡一人從事臨淮瓜田儀等為盜賊

依阻會稽長州

服虔曰姓瓜田各儀師古曰長州即枚乘所去長州之苑

琅邪

女子呂母亦起初呂母子為縣吏為宰所

寃殺師古曰母散家財以酤酒買兵弩師古曰

陰厚貧窮少年得百餘人遂攻海曲縣殺

其宰以祭子墓引兵入海其眾浸多後皆

萬數莽遣使者即赦盜賊還言盜賊解輒

復合問其故皆曰愁法禁煩苛不得舉手

力作所得不足以給貢稅閉門自守又坐

鄰伍鑄錢挾銅姦吏因以愁民民窮悉起

西之十九 書九十九 三

為盜賊莽大怒免之其或順指言民驕黠

當誅及言時運適然且滅不久莽說輒遷

之師古曰說是歲八月莽親之南郊鑄作威

斗威斗者以五石銅為之李奇曰以五色藥石

五色銅鑛治之師古曰李若北斗長二尺五寸欲

以厭勝眾兵師古曰厭既成令司命負之莽

出在前入在御旁鑄斗日大寒百官人馬

有凍死者五年正月朔北軍南門災以大

司馬司允費興為荊州牧見問到部方略

與對曰荆揚之民率依阻山澤以漁采為

業師古曰漁謂捕魚也間者國張六筮稅山澤

妨奪民之利連年久旱百姓飢窮故為盜

賊興到部欲令明曉告盜賊歸田里假貸

犁牛種食師古曰貸音士戴反闊其租賦師古曰闊寬也幾可以

解釋安集師古曰幾讀曰異莽怒免興官天下吏以

不得奉祿並為姦利郡尹縣宰家累千金

西傳卷九下 九十九下 四

莽下詔曰詳考始建國二年胡虜猾夏以

來諸軍吏及緣邊吏大夫以上為姦利增

產致富者收其家所有財產五分之四以

助邊急公府士馳傳天下考覈貪饕師古曰傳音張戀反饕音吐高反

關吏告其將奴婢告其主幾以

禁姦師古曰幾讀曰異姦愈甚皇孫功崇公宗坐自

畫容貌被服天子衣冠刻印三二曰維祉

冠存已夏處南山臧薄冰文穎曰祉福祚也冠存已欲襲代也

應劭曰夏處南山就陰涼也臧溥冰亦以除暑也

二曰肅聖寶繼

應劭曰

承聖舜後能肅敬得天寶龜以立宗欲繼其緒

三曰德封昌圖

蘇林曰宗自言以德

見封當遂昌熾受天下圖籍

又宗舅呂寬家前徙合浦私與

宗通發覺按驗宗自殺莽曰宗屬為皇孫

爵為上公知寬等叛逆族類而與交通刻

銅印三丈意甚害不知厭足窺欲非望春

秋之義君親母將將而誅焉

師古曰春秋公羊傳之辭也以公子

牙將為殺逆而誅之故云然也親謂父母也

迷惑失道自取此辜烏

西漢志九下 漢九十九

五

乎哀哉宗本名會宗以制作去二名今復

名會宗貶厥爵改厥號賜謚為功崇繆伯

以諸伯之禮葬于故同穀城郡

師古曰同者宗所封一同

之地宗姊妨為衛將軍王興夫人祝詛姑殺

婢以絕口事發覺莽使中常侍帶是憚責問

妨

師古曰帶是音帶又音徒蓋反

并以責興皆自殺事連及司

命孔仁妻亦自殺仁見莽免冠謝莽使尚

書劾仁乘乾車駕以馬左倉龍右白虎前

朱鳥

○宋祈曰鳥當作雀

後玄武右杖威節左負威斗

號曰赤星非以驕仁迺以尊新室之威命

也仁擅免天文冠大不敬有詔勿劾更易

新冠其好怪如此

師古曰言莽性好為鬼神怪異之事

以直道戾

王涉為衛將軍涉者曲陽侯根子也根成

帝世為大司馬薦莽自代莽恩之

師古曰懷其舊恩也

以為曲陽非令稱

師古曰令善也曲陽之名非善稱也

乃追謚根

曰直道讓公涉嗣其爵是歲赤眉力子都

得李九下 漢九 六

樊崇等

○劉放曰力當作刀

以飢饉相聚起於琅邪轉

鈔掠眾皆萬數遣使者發郡國兵擊之不

能克六年春莽見盜賊多乃令太史推三

萬六千歲歷紀六歲一改元布天下下書

曰紫閣圖曰太一黃帝皆僊上天

師古曰僊古仙字上

也升張樂崑崙度山之上後世聖主得瑞者

當張樂奏終南山之上

服虔曰長安南山詩所謂終南故秦地故言秦

也予之不敏奉行未明乃今諭矣復以寧

始將軍為更始將軍以順符命易不云乎

日新之謂盛德生生之謂易

李奇曰易道生諸當生者也師

古曰上繫之辭體
化合變故曰日新

予其饗哉欲以誑耀百姓銷

解盜賊眾皆笑之

宋祁曰笑當作咲

初獻新樂於明

堂太廟羣臣始冠麟韋之弁

李奇曰鹿皮冠

或聞其

樂聲曰清厲而哀非興國之聲也是時關

東飢旱數年力子都等黨眾寔多

師古曰寔漸也

更

始將軍廉丹擊益州不能克徵還更遣復

漢書卷九十九 卷九十九 七十一

位後大司馬護軍郭興庸部牧李暉擊蠻

夷若豆等太傅犧叔士孫喜清潔江湖之

盜賊而匈奴寇邊甚莽乃大募天下丁男

及死罪囚吏民奴名曰豬突豨勇以為銳

卒一切稅天下吏民訾三十取一縑帛皆

輸長安令公卿以下至郡縣黃綬皆保養

軍馬

師古曰保者言不許其有死失

多少各以秩為差又博

募有奇技術可以攻匈奴者將待以不次

王莽下

之位言便宜者以萬數或言能度水不用

舟楫

師古曰楫所以刺舟也音集其字從木

連馬接騎濟百萬師

或言不持斗糧服食藥物三軍不飢或言

能飛一日千里可窺匈奴莽輒試之取大

鳥翻為兩翼

師古曰羽本日翻音胡隔反

頭與身皆著毛

通引環紐飛數百步墮莽知其不可用苟

欲獲其名皆拜為理軍賜以車馬待發初

匈奴右骨都侯須卜當其妻王昭君女也

嘗內附莽遣昭君兄子和親侯王歆誘呼

當至塞下脅將詣長安彊立以為須卜善

于後安公

師古曰善于者匈奴之號也後安公者中國之爵兩加之

始欲誘迎

當大司馬嚴尤諫曰當在匈奴右部兵不

侵邊單于動靜輒語中國此方面之大助

也于今迎當置長安橐街一胡人耳

師古曰橐街蠻

夷館所有也解存陳湯傳橐音王早反

不如在匈奴有益莽不聽

既得當欲遣尤與廉丹擊匈奴皆賜姓徵

氏號二徵將軍當誅單于輿而立當代之

師古曰輿者時見為單于之名

出車城西橫殿未發尤素有

智略非莽攻伐四夷數諫不從著古名將

樂毅白起不用之意及言邊事凡三篇奏

以風諫莽師古曰風讀曰諷及當出廷議尤固言匈

奴可且以為後先憂山東盜賊莽大怒乃

策尤曰視事四年蠻夷猾夏不能遏絕寇

賊姦宄不能殄滅不畏天威不用詔命兒

西傳卷九下 漢書卷九十九下 九

很自臧持必不移師古曰兒古貌字也兒很言其

為善而固持其所見不可移易懷執異心非沮軍議師古曰沮壞也音材

汝未忍致于理其上大司馬武建伯印鞞

師古曰鞞者印之組歸故郡以降符伯董忠為大司馬

翼平連率由况奏郡縣些言民不實師古曰舉百姓些言財

不以實數莽復三十稅一以况忠言憂國進爵

為伯賜錢二百萬眾庶皆言之宋祁曰青

徐民多棄鄉里流亡老弱死道路壯者入

賊中夙夜連率韓博上言有奇士長丈大

十圍來至臣府曰欲奮擊胡虜自謂巨母

霸出於蓬萊東南五城西北昭如海瀕古師

曰昭如海名也瀕輶車不能載三馬不能勝即

日以大車四馬建虎旗載霸詣闕霸卧則

枕鼓以鐵箸食○宋祁曰南本云卧此皇天所

以輔新室也願陛下作大甲高車賁育之

衣遣大將一人與虎賁百人迎之於道京

西傳六十九下漢書九十九下

師門戶不容者開高大之以視百蠻師古曰

示鎮安天下博意欲以風莽晉灼曰諷言母

莽聞惡之留霸在所新豐師古曰在所謂更

其姓曰巨毋氏謂因文母太后而霸王符

也師古曰莽字巨君若言文徵博下獄以非所

宜言棄市明年改元曰地皇從三萬六千

歲歷號也地皇元年正月乙未赦天下下

書曰方出軍行師敢有趨謹犯法者輒論

斬毋須時

師古曰趨謹謂趨走而謹諱也須待也

盡歲止

師古曰至此歲盡而

止於是春夏斬人都市百姓震懼道路以

目二月壬申日正黑莽惡之下書曰廼者

日中見昧陰薄陽黑氣為變

○蕭該音義曰昧字林云日旁

作未言昧爽旦明也日闇昧云昧斗勺後星也音芒太反予案易曰日中見昧非音妹當音芒太反

百姓

莫不驚怪北域大將軍王匡

○劉奉世曰北域二字無理當是北

城字衍大字前有南城將軍此王匡又別一王匡也

遣吏考問上變事者

欲蔽上之明是以適見于天

師古曰適音謫謫責也音徒尼反見

漢書卷九十九下

漢書卷九十九下

音胡電反

以正于理塞大異焉莽見四方盜賊多

復欲厭之

師古曰厭音一葉反

又下書曰予之皇初祖

考黃帝定天下將兵為上將軍建華蓋立

斗獻

師古曰獻音義謂斗魁及杓末如勺之形也

內設大將外置大

司馬五人大將軍二十五人偏將軍百二

十五人裨將軍千二百五十人校尉萬二

千五百人司馬三萬七千五百人候十一

萬二千五百人當百二十二萬五千人

灼晉

曰當亦官名也師古曰士吏四十五萬人士千

三百五十萬人晉灼曰自五大司馬至此皆以五

之或五或十或兩或三應協於易弧矢之利以威天下

師古曰易下繫辭曰弦木為弧剡木為矢弧矢之

符命之文稽前人將條備焉師古曰稽考也於

是置前後左右中大司馬之位賜諸州牧

號為大將軍郡卒正連帥大尹為偏將軍

屬令長裨將軍宋祁曰卒字當作率縣宰為校尉乘

西傳卒九下漢書九十九下十二

傳使者經歷郡國日且十輩師古曰傳音張

倉無見穀師古曰見謂見在也以給傳車馬不能足賦

取道中車馬師古曰於道中行者即執取之以取

辦於民七月大風毀王路堂復下書曰乃

壬午舖時有烈風雷雨發屋折木之變師古

曰烈風烈暴之風予甚弁焉予甚栗焉予甚恐焉師古

曰弁疾也二曰弁撫手也言驚懼也伏念一旬迷廼解矣師古曰先

兩後言迷廼解矣蓋取舜納于言烈風雷昔符命文立安為

王莽下

新遷王

服虔曰安莽第三子也遷音仙莽改汝南新蔡曰新遷師古曰遷猶僂耳不勞假借音

臨國雒陽為統義陽王是時予在攝假謙

不敢當而以為公其後金匱文至議者皆

曰臨國雒陽為統謂據土中為新室統也

宜為皇太子自此後臨久病雖瘳不平朝

見挈茵輿行

服虔曰有疾以執茵輿之行也晉灼曰漢儀注皇后媵好乘輦餘者以茵

四人舉以行豈今之板輿而鋪茵乎師古曰晉說非也此直謂坐茵褥之上而令四人對舉茵之四角輿而行

何謂板輿乎

見王路堂者張於西廂及後閣更衣

西傳卷九下

卷九下

十二

中

李奇曰張帳也晉灼曰更衣中謂朝賀易衣服處室屋名也

又以皇后被疾

臨且去本就舍妃妾在東永巷

師古曰言臨侍疾故去其

本所居而來就此止息是以妃妾在東永巷也

壬午烈風毀王路西廂

及後閣更衣中室昭寧堂池東南榆樹大

十圍東僵擊東閣閣即東永巷之西垣也

皆破折瓦壞發屋拔木予甚驚焉又候官

奏月犯心前星厥有占予甚憂之伏念紫

閣圖文太一黃帝皆得瑞以僊後世衰主

當登終南山

李奇曰褒主大主也

所謂新遷王者乃太

一新遷之後也

服虔曰太一黃帝欲令安追繼其後也

統義陽王

乃用五統以禮義登陽上遷之後也臨有

兄而稱太子名不正宣尼公曰名不正則

言不順至於刑罰不中民無錯手足

師古曰論語載

孔子對子路之言錯安置也音千故反莽追謚孔子為褒成宣尼公惟即位以來陰

陽未和風雨不時數遇枯旱蝗螟為災穀

稼鮮耗百姓苦飢

師古曰鮮少也耗虛也鮮音先踐反耗音火到反

蠻夷

猾夏寇賊姦宄人民正營無所錯手足

師古

曰正營惶恐不安之意也正音征

深惟厥咎在名不正焉其立

安為新遷王臨為統義陽王幾以保全二

子

師古曰幾讀曰翼

子孫千億外攘四夷內安中國

焉是月杜陵便殿乘輿虎文衣廢臧在室

匣中者

師古曰匣匱也音狎

出自樹立外堂上

師古曰樹豎也

良

父乃委地吏卒見者以聞莽惡之下書曰

寶黃廝赤

服虔曰以黃為寶自用其行氣也廝赤廝役賤者皆衣赤賤漢行也

其令

郎從官皆衣絳望氣為數者多言有土功

象莽又見四方盜賊多欲視為自安能建

萬世之基者師古曰乃下書曰予受命遭陽

九之危百六之會府帑空虛百姓匱乏宗

廟未脩且祿祭於明堂太廟夙夜永念非

敢寧息深惟吉昌莫良於今年予乃卜波

水之北郎池之南惟玉食劉德曰長安南也晉

名也在甘泉苑中師古曰晉說非也黃圖有西波池郎池皆在石城南上林中玉食謂龜為玉兆之文而墨食

西傳卷九下 九十九下 十五

也波音 彼皮反予又卜金水之南明堂之西亦惟玉

食予將親築焉於是遂營長安城南師古曰

金水之南 明堂之西提封百頃九月甲申莽立載行視

師古曰立載謂立而 乘車也行音下更反親舉築三下司徒王尋大

司空王邑持節及侍中常侍執法杜林等

數十人將作師古曰將領 築作之人崔發張邯說莽曰

德盛者文縟師古曰文禮文 也縟繁也音辱宜崇其制度宣視

海內師古曰視 讀曰示且令萬世之後無以復加也

王莽下

莽乃博徵天下工匠諸圖畫以望法度筭

及吏民以義入錢穀助作者駱驛道路古師

日駱驛言不絕壞徹城西苑中建章承光包陽大臺

儲元宮及平樂當路陽祿館凡十餘所古師

日自建章以下至陽祿皆上林苑中館取其材瓦以

起九廟是月大雨六十餘日令民入米六

百斛為郎其郎吏增秩賜爵至附城九廟

一曰黃帝太初祖廟二曰帝虞始祖昭廟

西傳六九下 漢九下 十一

三曰陳胡王統祖穆廟四曰齊敬王世祖

昭廟五曰濟北愍王王祖穆廟凡五廟不

墮云師古曰墮毀也音火規反六曰濟南伯王尊禰昭廟

七曰元城孺王尊禰穆廟八曰陽平頃王

戚禰昭廟九曰新都顯王戚禰穆廟殿皆

重屋太初祖廟東西南北各四十丈高十

七丈餘廟半之為銅薄櫨師古曰薄櫨柱上枅即今所謂櫨也櫨音

盧飾以金銀瑀文師古曰瑀字與彫同窮極百工之巧

王莽下

帶高增下

師古曰本因高地而建立之其旁下者更增築危宋祁曰帶當作本

功費

數百鉅萬卒徒死者萬數鉅鹿男子馬適

求等謀舉燕趙兵以誅莽

師古曰馬適姓也求名也

大司

空士王丹發覺以聞莽遣三公大夫逮治

黨與

師古曰逮逮捕之也巳解於上

連及郡國豪傑數千人

皆誅死封丹為輔國侯自莽為不順時令

百姓怨恨莽猶安之又下書曰惟設此壹

切之法以來常安六鄉巨邑之都枹鼓稀

釋六九下

漢九九九下

十七

鳴盜賊衰少

師古曰巨大也枹所以擊鼓者也音浮其字從木

百姓安土

歲以有年此乃立權之力也今胡虜未滅

誅蠻棘未絕焚江湖海澤麻沸盜賊未盡

破殄

師古曰麻沸言如亂麻而沸涌

又興奉宗廟社稷之大作

民衆動搖今復壹切行此令盡二年止之

以全元元救愚姦是歲罷大小錢更行貨

布長二寸五分廣一寸直貨錢二十五貨

錢徑一寸重五銖枚直一兩品竝行敢盜

鑄錢及偏行布貨伍人知不發舉皆沒入

為官奴婢師古曰伍人同伍之人若今伍保者也

太傅平晏死以子虞唐尊為太傅尊曰國

虛民貧咎在奢泰乃身短衣小衷乘牝馬柴

車師古曰柴車即棧車藉橐瓦器師古曰藉橐去蒲弱也瓦器以瓦為食器又以

歷遺公卿師古曰以瓦器盛食遺公卿也出見男女不異路

者尊自下車以象刑赭幡汚染其衣師古曰赭

幡以赭汁漬巾幡莽聞而說之師古曰說讀曰悅下詔申敕公

西傳卷九下 漢書卷九下 十八

卿思與厥齊師古曰令與尊同比操行也論語稱孔子曰見賢思齊故莽云然封

尊為平化侯是時南郡張霸江夏羊牧王

匡等起雲杜綠林號曰下江兵晉灼曰本起江夏雲杜縣後分

西上入南郡屯藍田故號下江兵也眾比百萬餘人武功中水鄉

民三舍塾為池師古曰塾陷也音丁念反二年正月以州

牧位三公刺舉怠解師古曰解讀曰懈更置牧監副

秩元士冠法冠行事如漢刺史是月莽妻

死謚曰孝睦皇后葬渭陵長壽園西令永

侍文母名陵曰億年初莽妻以莽數殺其
子弟泣失明莽令太子臨居中養焉莽妻
旁侍者原碧莽幸之後臨亦通焉恐事泄
謀共殺莽臨妻惜國師公女師古曰惜音一尋反能為
星語臨宮中旦有白衣會臨喜以為所謀
且成後貶為統義陽王出在外第愈憂恐
會莽妻病困臨予書曰上於子孫至嚴前
長孫中孫年俱三十而死師古曰中讀曰仲今臣臨

漢書卷九十九下 十九

復適三十誠恐一旦不保中室則不知死

命所在李奇曰中室臨之母也晉灼曰長樂宮中殿也師古曰二說皆非也中室室中也臨自言

欲於室中自保全不可得耳莽候妻疾見其書大怒疑臨

有惡意不令得會喪既葬收原碧等考問

具服姦謀殺狀莽欲秘之使殺案事使者

司命從事埋獄中家不知所在賜臨藥臨

不肯飲自刺死使侍中票騎將軍同說侯

林賜魂衣璽鼓師古曰說讀曰悅策書曰符命文立

王莽下

臨為統義陽王此言新室即位三萬六千
歲後為臨之後者乃當龍陽而起前過聽
議者以臨為太子有列風之變輒順符命
立為統義陽王在此之前自此之後不作
信順弗蒙厥佑天年墮命嗚呼哀哉迹行
賜謚謚曰繆王又詔國師公臨本不知星
事從惜起惜亦自殺是月新遷王安病死
初莽為侯就國時幸侍者增秩懷能開明

東齊志卷之二十一 二十一

懷能生男興增秩生男匡女畢開明生女

捷皆留新都國以其不明故也師古曰言侍者或與外人

私通所生子女不可分明也及安疾其甚莽自病無子為安作

奏使上言興等母雖微賤屬猶皇子不可

以棄章視羣公師古曰視讀曰示以所上之章徧示之皆曰安友

于兄弟師古曰友愛也善兄弟曰友宜及春夏加封爵於是

以王車遣使者迎興等封興為功脩公匡

為功建公畢為睦脩任捷為睦逮任孫公

王莽下

明公壽嘔病死旬月四喪焉莽壞漢孝武孝
昭廟分葬子孫其中魏成大尹李焉與卜
者王况謀况謂焉曰新室即位以來民田
奴婢不得賣買數改錢貨徵發煩數軍旅
騷動四夷竝侵百姓怨恨盜賊竝起漢家
當復興君姓李李者徵徵火也師古曰徵音竹里反當
為漢輔因為焉作讖書言文帝發忿居地
下趣軍北告匈奴南告越人師古曰趣讀曰促江中

西傳李九下漢本九十九

二十一

劉信執敵報怨復續古先四年當發軍江

湖有盜自稱樊王姓為劉氏萬人成行師古

曰行音胡郎反不受赦令欲動秦雒陽十一年當相

攻太白揚光歲星入東井其號當行師古曰號謂號

也又言莽大臣吉凶各有日期會合十餘

萬言焉令吏寫其書吏亡告之莽遣使者

即捕焉獄治皆死三輔盜賊麻起師古曰言起者如亂

也乃置捕盜都尉官令執法謁者追擊長

王莽下

安中建鳴鼓攻賊幡而使後遣太
師犧仲景尚更始將軍護軍王黨將兵擊
青徐國師和仲曹放助郭興擊句町轉天
下穀幣詣西河五原朔方漁陽每一郡以
百萬數欲以擊匈奴秋隕霜殺菽關東大
飢蝗民犯鑄錢伍人相坐沒入為官奴婢
其男子檻車兒女子步以鐵瑣琅當其頸
傳詣鍾官以十萬數師古曰琅當長頸也
鍾官主鐵錢之官也到者

西傳李李 漢本九十九下 二十二

易其夫婦師古曰改相配
匹不依其舊也愁苦死者什六七孫

熹景尚曹放等擊賊不能克軍師放縱百

姓重困師古曰重
音直用反莽以王况讖言荆楚當興

李氏為輔欲厭之師古曰厭
音一葉反廼拜侍中掌牧

大夫李參為大將軍揚州牧賜名聖師古曰
改其舊

名以聖代讖
參音所林反使將兵奮擊上谷儲夏自請願

說瓜田儀服虔曰儲夏人姓也
劉奉世曰注脫一名字莽以為中郎

使出儀師古曰說
之今自出儀文降未出而死師古曰上
文書言降

王莽下

而身未出莽求其尸葬之為起冢祠室謚曰瓜

寧殤男幾以招來其餘師古曰幾讀曰異然無肯降

者閏月丙辰大赦天下天下大服民私服

在詔書前亦釋除張晏曰莽妻本以此歲死天下大服也私服自喪其親皆除之

郎陽成脩獻符命言繼立民母又曰黃帝

以百二十女致神僊莽於是遣中散大夫

謁者各四十五人分行天下師古曰行音下更反博采

鄉里所高有淑女者上名莽夢長樂宮銅

石經卷九下 陽九十九中 二十三

人五枚起立莽惡之念銅人銘有皇帝初

兼天下之文即使尚方工鑄滅所夢銅人

膺文師古曰鑄鑿也音子全反又感漢高廟神靈師古曰謂夢見譴責

遣虎賁武士入高廟拔劍四面提擊師古曰提擲也

音徒斧壞戶牖師古曰以斧斫壞之桃湯赭鞭鞭灑屋

壁師古曰桃湯灑之赭鞭鞭之也赭赤也令輕車校尉居其中文

令中軍北壘居高寢師古曰徙北軍壘之兵士於高廟寢中也居也或

言黃帝時建華蓋以登僊莽乃造華蓋九

重高八丈一尺金瑤羽葆師古曰瑤讀曰瓜載

以秘機四輪車服虔曰蓋高八丈其柱皆有屈膝

關不使外見故曰秘機也駕六馬力士三百人黃衣幘車

上人擊鼓輓者皆呼登僊莽出令在前百

官竊言此似輻車非僊物也師古曰輻車載喪車音而是

歲南郡秦豐衆且萬人平原女子遲昭平

能說經博以八投服虔曰博亦經以八箭投之亦聚數千人

在河阻中莽召問羣臣禽賊方略皆曰此

漢書卷九十九 卷九十九

天囚行尸命在漏刻故左將軍公孫祿徵

來與議師古曰與讀曰豫祿曰太史令宗宣典魯生歷

候氣變以凶為吉亂天文誤朝廷太傅平

化戾飾虛偽以媮名位賊夫人之子師古曰論語稱

子路使子羔為費宰孔子曰賊夫人之子言羔未知政道而使宰邑所以為賊害也故祿引此而言○宋祁曰

戾字下當有唐尊二字國師嘉信公顛倒五經毀師法

令學士疑惑明學勇張邯地理戾孫陽造

井田使民棄土業羲和魯匡設六筮元以窮

工商說符侯崔發阿諛取容令下情不上
通宜誅此數子以慰天下又言匈奴不可
攻當與和親臣恐新室憂不在匈奴而在
封域之中也莽怒使虎賁扶祿出然頗采
其言左遷魯匡為五原卒正以百姓怨非
故六筮非匡所獨造莽厭眾意而出之師古
音一豔反初四方皆以飢寒窮愁起為賊盜
稍稍羣聚常思歲孰得歸鄉里眾雖萬數
曾稱巨人從事三老祭酒師古曰曾讀曰不
敢略有城邑轉掠求食日闕而已師古曰闕
而盡也闕音空穴反諸長吏牧守皆自亂鬪中兵而死
賊非敢欲殺之也而莽終不諭其故師古
曰不曉此意也是歲大司馬士按章豫州師古曰有上
而按治之為賊所獲賊送付縣士還上書具言
狀莽大怒下獄以為誣罔因下書責七公
曰夫吏者理也宣德明恩以牧養民仁之

漢書卷九十九下 三十五

王莽下

道也抑疆督姦捕誅盜賊義之節也師古曰督謂察

也視今則不然盜發不輒得至成羣黨遮略

乘傳幸士師古曰傳音張戀反士得脫者又妄自言我

責數賊何故為是師古曰數音所具反賊曰以貧窮故

耳賊護出我今俗人議者率多若此惟貧

困飢寒犯法為非大者羣盜小者偷穴不

過二科師古曰穴謂穿牆為盜也今乃結謀連黨以千百

數是逆亂之大者豈飢寒之謂邪七公其

律考九下 民考九下 二千九一

嚴敕卿大夫卒正連率庶尹謹牧養善民

急捕殄盜賊有不同心并力疾惡黜賊而

妄曰飢寒所為輒捕繫請其罪於是羣下

愈恐莫敢言賊情者亦不得擅發兵賊由

是遂不制唯翼平連率田况素果敢發民

年十八以上四萬餘人授以庫兵與刻石

為約赤糜師古曰糜眉也以朱塗眉故曰赤眉古字聞之不敢入界

通况自劾奏奔讓况師古曰讓責也未賜虎符而

王莽下

擅發兵此弄兵也厥臯乏興

師古曰擅發之罪與之軍興同

科也以況自詭必禽滅賊故且勿治師古曰詭責也自以

為憂責後況自請出界擊賊所嚮皆破莽并以

璽書令況領青徐二州牧事況上言盜賊

始發其原甚微非部吏伍人所能禽也咎

在長吏不為意縣欺其郡郡欺朝廷實百

言十實千言百朝廷忽略不輒督責遂至

延曼連州師古曰延音弋戰反曼與蔓同乃遣將率多發使者

西征記卷九下 九十九 廿七

傳相監趣師古曰趣讀曰促郡縣力事上官應塞詰

對師古曰力勤也塞當也共酒食具資用以救斷斬師古曰交

懼斬死之刑也共讀曰供不給復憂盜賊治官

事師古曰給暇也將率又不能躬率吏士戰則為賊

所破吏氣寢傷徒費百姓師古曰寢漸也前幸蒙赦

令賊欲解散或反遮擊恐入山谷轉相告

語故郡縣降賊皆更驚駭恐見詐滅因飢

饑易動旬日之間更十餘萬人此盜賊所

以多之故也今雒陽以東米石二千竊見
詔書欲遣太師更始將軍二人爪牙重臣
多從人衆道上空竭少則亡以威視遠方

師古曰視
讀曰示

宜急選牧尹以下明其賞罰收合
離鄉小國無城郭者徙其老弱置大城中
積臧穀食并力固守賊來攻城則不能下
所過無食執不得羣聚如此招之必降擊
之則滅今空復多出將率郡縣苦之反甚

西傳云九下

九下

廿八

於賊宜盡徵還乘傳諸使者以休息郡縣
委任臣況以二州盜賊必平定之莽畏惡
況陰為發代遣使者賜況璽書使者至見
况因令代監其兵况隨使者西到拜為師
尉大夫况去齊地遂敗三年正月九廟蓋
構成納神王莽謁見大駕乘六馬以五采
毛為龍文衣著角長三尺師古曰以
被馬上也華蓋車
元戎十乘在前因賜治廟者司徒大司空

錢各千萬侍中中常侍以下皆封封都匠

仇延為邯淡里附城師古曰都匠大匠也邯音胡敢反淡音大敢反曲且盛

之意。蕭該音義曰鄭氏曰淡音美艷之艷二月霸橋災數千人以

水沃救不滅莽惡之下書曰夫三皇象春

五帝象夏三王象秋五伯象冬皇王德運

也伯者繼空續乏以成歷數故其道駁師古

曰伯皆讀曰霸惟常安御道多以所近為名廼二月

癸巳之夜甲午之辰火燒霸橋從東方西

卷之六十九下 漢書卷之六十九下 二十九

行至甲午夕橋盡火滅大司空行視考問

師古曰行音下更反或云寒民舍居橋下師古曰舍疑以

火自燎為此災也師古曰燎謂炙令燥也其明日即乙未

立春之日也予以神明聖祖黃虞遺統受

命至于地皇四年為十五年正以三年終

冬絕滅霸駁之橋欲以興成新室統壹長

存之道也又戒此橋空東方之道今東方

歲荒民飢道路不通東嶽太師亟科條師古

曰亟急也音己力反開東方諸倉賑貸窮乏以施仁道

其更名霸館為長存館霸橋為長存橋是

月赤眉○宋祁曰眉當依前作糜殺太師犧仲景尚關東

人相食四月遣太師王匡更始將軍廉丹

東師古曰東謂東出也祖都門外師古曰祖道送匡丹於都門外天大雨

霑衣止長老嘆曰是為泣軍莽并曰惟陽九

之院與害氣會究于去年枯旱霜蝗飢饉

薦臻師古曰薦讀曰荐荐仍也百姓困乏流離道路於春

西傳卷九下 庚九下 三十一

尤甚于甚悼之今使東嶽太師特進襲新

侯開東方諸倉賑貸窮乏太師公所不過

道分遣大夫謁者竝開諸倉以全元元太

師公因與廉丹大使五威司命位右大司

馬更始將軍平均侯之交州填撫所掌古師

曰之往也填音竹刃反及青徐故不軌盜賊未盡解散

後復屯聚者皆清潔之期於安兆黎矣古師

曰黎衆也太師更始合將銳士十餘萬人所過

放縱東方為之語曰寧逢赤眉

○宋祁曰為一本作謂眉

當依前作糜

不逢太師太師尚可更始殺我卒如

田況之云莽又多遣大夫謁者分教民煮

草木為酪酪不可食重為煩費

師古曰重莽音直用反

下書曰惟民困乏雖溥開諸倉以賑贍之

師古曰溥與普同

猶恐未足其且開天下山澤之防

諸能采取山澤之物而順月令者其恣聽

之勿令出稅至地皇三十年如故是王光

西九下

西九下

三十一

上戊之六年也

孟康曰戊土也莽所作歷名

如今豪吏猾民

幸而擢之小民弗蒙非予意也

師古曰幸擢謂獨專其利

而令它人犯者得罪幸也

易不云虜損上益下民說無疆

師古曰益卦彖辭也言損上以益下則人皆歡悅無窮竟

書云言之不從是謂

不艾

師古曰洪範之言艾讀曰又又治也

咨虜羣公可不憂哉

師古

曰咨者嘆息之言

是時下江兵盛新市朱鮪平林陳

牧等皆復聚眾攻擊鄉聚莽遣司命大將

軍孔仁部豫州納言大將軍嚴尤秩宗大

將軍陳茂擊荊州各從吏士百餘人乘船

從渭入河○宋祁曰越本土至華陰廼出乘傳

到部募士尤謂茂曰遣將不與兵符必先

請而後動是猶紕韓盧而責之獲也師古曰

韓盧古韓國之名夏蝗從東方來蜚蔽天師古曰

字至長安入未央宮緣殿閣莽發吏民設

購賞捕擊莽以天下穀貴欲厭之師古曰厭

為大倉置衛交戟名曰政始掖門流民入

關者數十萬人廼置養贍官稟食之師古曰

食讀使者監領與小吏共盜其稟飢死者

十七八先是莽使中黃門王業領長安市

買賤取於民民甚患之業以省費為功賜

爵附城莽聞城中飢饉以問業業曰皆流

民也乃市所賣梁飭肉羹持入視莽師古曰

示曰居民食咸如此莽信之冬無鹽索盧

恢等舉兵反城師古曰索盧姓也恢名也反城據

城以反也一曰反音備今語賊猶

曰幡城索音先各反廉丹王匡攻拔之斬首萬餘級莽

遣中郎將奉璽書勞丹匡進爵為公封吏

士有功者十餘人赤眉別校董憲等眾數

萬人在梁郡王匡欲進擊之廉丹以為新

拔城罷勞師古曰罷讀曰疲當且休士養威匡不聽

引兵獨進丹隨之合戰成昌師古曰成昌地名也兵敗

匡走丹使吏持其印鞞符節付匡曰小兒

可走吾不可遂止戰死校尉汝雲王隆等

卷九下 卅九下 卅三

二十餘人別鬪聞之皆曰廉公已死吾誰

為生馳奔賊皆戰死師古曰奔古奔字莽傷之下書

曰惟公多擁選士精兵眾郡駿馬倉君穀帑

藏皆得自調師古曰調發取也音徒鈞反忽於詔策離其

威節騎馬呵譟師古曰忽謂怠忘也譟羣呼也音先到反為枉刃所

害烏乎哀哉賜謚曰果公國將哀章謂莽

曰皇祖考黃帝之時中黃直為將破殺蚩

尤令臣居中黃直之位願平山東莽遣章

王莽下

馳東與太師匡并力又遣大將軍陽涉守
敖倉司徒王尋將十餘萬屯雒陽填南宮

師古曰填晉并刃反

大司馬董忠養士習射中軍北壘

大司空王邑兼三公之職司徒尋初發長

安宿霸昌廐

師古曰霸昌觀之廐也三輔黃圖曰在城外也

亡其黃鉞

尋士房揚素狂直廼哭曰此經所謂喪其

齊斧者也

應劭曰齊利也亡其利斧言之以復斷斬也師古曰此易巽卦上九爻辭

自効

去莽擊殺揚四方盜賊往往數萬人攻城

西傳云九下

九下

世四

邑殺二千石以下太師王匡等戰數不利

莽知天下潰畔事窮計迫廼議遣風俗大

夫司國憲等分行天下

師古曰行音下更反

除井田奴

婢山澤六筦之禁即位以來詔令不便於

民者皆收還之待見未發會世祖與兄齊

武王伯升宛人李通等

師古曰世祖謂光武皇帝

帥舂陵子

弟數千人招致新市平林朱鮪陳牧等合

攻拔棘陽是時嚴尤陳茂破下江兵成丹

二王莽下

王常等數千人別走入南陽界十一月有
星孛于張東南行五日不見莽數召問太
史令宗宣諸術數家皆綏對言天文安善
羣賊且滅莽差以自安四年正月漢兵得
下江王常等以為助兵擊前隊大夫甄阜
屬正梁立賜皆斬之殺其眾數萬人初京
師聞青徐賊眾數十萬人訖無文號旌旗
表識師古曰文謂文章號謂大位號也一曰號謂號令也識讀與懺同音式志反咸怪異

西傳六卷

漢九卷下

卅五

之好事者竊言此豈如古三皇無文書號

謚邪

師古曰欲其事成故云然也

莽亦心怪以問羣臣羣

臣莫對唯嚴尤曰此不足怪也自黃帝湯
武行師必待部曲旌旗號令今此無有者
直飢寒羣盜犬羊相聚不知為之耳莽大

說

師古曰說讀曰悅

羣臣盡服及後漢兵劉伯升起

皆稱將軍攻城略地既殺甄阜移書稱說
莽聞之憂懼漢兵乘勝遂圍宛城初世祖

族兄聖公先在平林兵中三月辛巳朔平
林新市下江兵將王常朱鮪等共立聖公
為帝改年為更始元年拜置百官莽聞之
愈恐欲外視自安師古曰視讀曰示廼染其須髮進
所徵天下淑女杜陵史氏女為皇后聘黃
金三萬斤車馬奴婢雜帛珍寶以巨萬計
莽親迎於前殿兩階間成同牢之禮于上
西堂備和嬪美御和人三位視公嬪人九

雷傳六九下

漢九九下廿六

視卿美人二十七視大夫御人八十一視
元士凡百二十人皆佩印鼓執弓韞師古曰禮

記月令仲春之月玄鳥至至之日以太牢祠于高禘天子親往后妃率九嬪御乃禮天子所御帶以弓韞授以弓矢于高禘之前韞弓衣也帶之者求男子之祥也故莽依放之焉韞音獨封皇后父謀

為和平侯拜為寧始將軍謀子二人皆侍
中是日大風發屋折木羣臣上壽曰廼庚

子雨水灑道辛丑清靚無塵師古曰靚即靜字也其夕

穀風迅疾從東北來師古曰穀風即谷風辛丑巽之宮

日也巽為風為順后誼明母道得溫和慈

惠之化也易曰受茲介福于其王母師古曰晉卦六

二爻也介大也王母君母禮曰承天之慶萬福無疆師古曰禮之祝

辭諸欲依廢漢火劉皆沃灌雪除殄滅無

餘雜矣百穀豐茂庶草蕃殖師古曰蕃滋也殖生也元

元驩喜兆民賴福天下幸甚莽日與方士

涿郡昭君等於後宮考驗方術縱淫樂焉

大赦天下然猶曰故漢氏春陵侯羣子劉

西傳六九 上九十九 三十七

伯升與其族人婚姻黨與妄流言惑眾悖

畔天命乃手害更始將軍廉丹前隊大夫

甄阜屬正梁丘賜及北狄胡虜逆與洎南

熒虜若且孟遷不用此書師古曰輿匈奴單于名也伯及也若且孟

遷蠻熒之名也言伯升已下孟遷已上不在赦令之限也有能捕得此人者皆

封為上公食邑萬戶賜寶貨五千萬又詔

太師王匡國將哀章司命孔仁兗州牧壽

良卒正王閔揚州牧李聖亟進所部州郡

王莽并下

兵師古曰凡三十萬衆迫措青徐盜賊師古曰

策同音莊客反下亦放此納言將軍嚴尤秩宗將軍陳茂

車騎將軍王巡○宋祈曰車騎監本作車馬○劉

也尤茂前云大將軍此云將軍左隊大夫王吳亟

進所部州郡兵凡十萬衆迫措前隊醜虜

明告以生活丹青之信師古曰生活謂來降者不殺之也丹青之信言

明著也復迷惑不解散皆并力合擊殄滅之

矣大司空隆新公宗室戚屬前以虎牙將

西傳卷九下 漢志九十九下 三十八

軍東指則反虜破壞西繫則逆賊靡碎師古

曰靡散也音武皮反此迺新室威寶之臣也如黠賊不

解散將遣大司空將百萬之師征伐剝絕

之矣師古曰剝截也音子小反遣七公幹士隗囂等七十

二人分下赦令曉諭云囂等既出因逃亡

矣四月世祖與王常等別攻潁川下昆陽

郾定陵師古曰三縣之名也郾音一扇反莽聞之愈恐遣大司

空王邑馳傳之雒陽師古曰傳音張悉反與司徒王尋

發衆郡兵百萬號曰虎牙五威兵平定山
東得潁封爵政決於邑除用徵諸明兵法
六十三家術者各持圖書受器械備軍吏
傾府庫以遺邑多齎珍寶猛獸欲視饒富
用怖山東師古曰視讀曰示邑至雒陽州郡各選精
兵牧守自將定會者四十二萬人餘在道
不絕車甲士馬之盛自古出師未嘗有也
六月邑與司徒尋發雒陽欲至宛道出潁

西傳六九下

九十九下

卅九

川過昆陽昆陽時已降漢漢兵守之嚴尤
陳茂與二公會二公縱兵圍昆陽嚴尤曰
稱尊號者在宛下宜亟進師古曰亟急也彼破諸城
自定矣邑曰百萬之師所過當滅今屠此
城喋血而進師古曰喋音牒前歌後舞顧不快邪遂
圍城數十重城中請降不許嚴尤又曰歸
師勿遏圍城爲之闕師古曰此兵法之言也遏遮也闕不合也可如
兵法使得逸出以怖宛下邑又不聽會卅

王莽下

祖悉發鄆定陵兵數千人來救昆陽尋邑

易之

師古曰輕易之也易音亦豉反

自將萬餘人行陳

師古曰巡行軍

陳也行音下更反

敕諸營皆按部毋得動獨迎與漢

兵戰不利大軍不敢擅相救漢兵乘勝殺

尋昆陽中兵出竝戰邑走軍亂天風蜚尾

師古曰蜚古飛字

雨如注水大衆崩壞號譁

師古曰譁音火故反

虎豹股栗

師古曰言戰懼甚

士卒犇走各還歸其郡

邑獨與所將長安勇敢數千人還雒陽關

西傳六九下

九十九下

四十

中間之震恐盜賊竝起又聞漢兵言莽鳩

殺孝平帝莽廼會公卿以下於王路堂開

所為平帝請命金滕之策泣以視羣臣

師古

曰視讀曰示

命明學男張邯稱說其德及符命事

因曰易言伏戎于莽升其高陵三歲不興

師古曰同人卦九二爻辭也莽平草也言伏兵戎於草莽之中升高陵而望不敢前進至于三歲不敢起也

莽皇帝之名升謂劉伯升高陵謂高陵侯

子翟義也言劉伯升翟義為伏戎之兵於

新皇帝世猶殄滅不興也羣臣皆稱萬歲
又令東方檻車傳送數人言劉伯升等皆
行大戮民知其詐也先是衛將軍王涉素
養道士西門君惠君惠好天文讖記為涉
言星孛掃宮室劉氏當復興國師公姓名
是也涉信其言以語大司馬董忠數俱至
國師殿中廬道語星宿師古曰廬者宿止之處道謂說之也國師
不應後涉特往對歆涕泣言誠欲與公共

卷之九十九

四十一

安宗族

師古曰誠實也。宋祁曰族字或作姓。

柰何不信涉也歆

因為言天文人事東方必成涉曰新都哀

戾小被病功顯君素著酒

師古曰著讀曰嗜。

疑帝本

非我家子也

如淳曰言莽母各薄嗜酒淫逸得莽耳非王氏子也設此詐欲以自別不受誅

董公主中軍精兵涉領宮衛伊休戾王殿
中如同心合謀共劫持帝東降南陽天子
可以全宗族不者俱夷滅矣伊休戾者歆
長子也為侍中五官中郎將莽素愛之歆

怨莽殺其三子又畏大禍至遂與涉忠謀
欲發歆曰當待太白星出廼可忠以司中
大贅起武侯孫伋亦主兵復與伋謀伋歸
家顏色變不能食妻怪問之語其狀妻以
告弟雲陽陳邯邯欲告之七月伋與邯俱
告莽遣使者分召忠等時忠方講兵都肄
恐漏泄不如遂斬使者勒兵入忠不聽遂

師古曰肄習也大習
兵也肄音亦二反

護軍王咸謂忠謀久不發

卷九下 以六

二二

與歆涉會省戶下莽令薨惲責問皆服中
黃門各拔刃將忠等送廬忠拔劍欲自刎
侍中王望傳言大司馬反黃門持劍共格
殺之省中相驚傳勒兵至郎署皆拔刃張
弩更始將軍史湛行諸署

師古曰行音下更反
○劉奉世曰或言更

始或言寧始前後
不一未知孰誤

告郎吏曰大司馬有狂病發

已誅皆令弛兵

師古曰弛放也

莽欲以厭凶

師古曰厭當也音一

使虎賁以斬馬劍挫忠

師古曰挫讀曰劉音千卧反

盛

以竹器傳曰反虜出下書赦大司馬官屬
吏士為忠所誅謀反未發覺者收忠宗
族以醇醢毒藥尺白刃叢棘并一坎而埋
之劉歆王涉皆自殺莽以二人骨肉舊臣
惡其內潰師古曰王涉骨
肉也劉歆舊臣故隱其誅伊休侯疊
又以素謹歆訖不告師古曰訖猶竟也歆
竟不以所謀告之但免
侍中中郎將更為中散大夫後日殿中鉤
盾土山僊人掌旁有白頭公青衣鄭氏曰僊
人以掌承

西之九下 七九九下

四三一

承露
盤也

郎吏見者私謂之國師公衍功侯喜

素善卦莽使筮之曰憂兵火莽曰小兒安

得此左道是廼予之皇祖叔父子僑欲來

迎我也莽軍師外破大臣內畔左右亡所

信不能復遠念郡國欲諄邑師古
曰諄

古呼崔發曰邑素小心今失大眾而徵恐

其執節引決宜有大慰其意於是莽遣

發馳傳諭邑師古曰謂諭告
之傳音張戀反我年老母適子師古

曰適讀

欲傳邑以天下救亡得謝見勿復道

邑到以為大司馬大長秋張邛為大司徒

崔發為大司空司中壽容苗訢為國師司

說侯林為衛將軍莽憂薄不能食師古曰薄音薄又音

閱宜飲酒啗鰓魚師古曰宜音但下亦類此鰓海魚也音電讀軍書

倦因馮几寐不復就枕矣師古曰馮讀曰憑○宋祁曰枕字當作次性

好時日小數及事迫急宜為厭勝遣使壞

渭陵延陵園門罟罟曰毋使民復思也又

西九下

九九下

四

以墨洿色其周垣師古曰洿染之變其舊色也洿音一故反號將至

曰歲宿申水為助將軍右庚刻木校尉前

丙燿金都尉又曰執大斧伐枯木流大水

滅發火如此屬不可勝記秋太白星流入

太微燭地如月光成紀隗崔兄弟共劫大

尹李育師古曰成紀隴西之縣以兄子隗囂為大將軍

攻殺雍州牧陳慶安定卒正王旬并其衆

移書郡縣數莽罪惡萬於桀紂是月析

人鄧曄于匡起兵南鄉百餘人

師古曰析南陽之縣南鄉

析縣之鄉名

時析宰將兵數千屯鄆亭備武

關

師古曰鄆音口堯反

曄匡謂宰曰劉帝已立君何不

知命也宰請降盡得其衆曄自稱輔漢左

將軍匡右將軍拔析丹水攻武關都尉朱

萌降進攻右隊大夫宋綱殺之西拔湖

師古曰湖

弘農之縣也本屬京北

莽愈憂不知所出崔發言周禮

及春秋左氏國有大災則哭以厭之

師古曰周禮春

傳卷下

卷九下

四十五

官之屬女巫氏之職曰凡邦之大災歌哭而請哭者所

以告哀也春秋左氏傳宣十二年楚子圍鄭旬有七日

鄭人卜行成不吉卜臨于太宮且巷出車吉國人大

臨守俾者皆哭故發引之以為言也厭音一葉反

故

易稱先號咷而後笑

師古曰同人九五爻辭號咷哭也咷音逃

宜呼

嗟告天以求救莽自知敗廼率羣臣至南

郊陳其符命本末仰天曰皇天既命授臣

莽何不殄滅衆賊即令臣莽非是願下雷

霆誅臣莽因搏心大哭氣盡伏而叩頭又

作告天策自陳功勞千餘言諸生小民會

旦夕哭為設殮粥

師古曰殮古食字音千安反

甚悲哀及

能誦策文者除以為郎至五千餘人帶建輝將領之莽拜將軍九人皆以虎為號號曰九虎將比軍精兵數萬人東內其妻子宮中以為質時省中黃金萬斤者為一匱尚有六十匱黃門鉤盾臧府中尚方處處各有數匱長樂御府中御府及都內平準幣臧錢帛珠玉財物甚眾

師古曰御府有令丞少府之屬官也掌珍物中

傳九下

漢九下

四下

御府者皇后之府藏也平準令丞屬大司農亦珍貨所在也

莽愈愛之賜九虎

士人四千錢眾重怨無鬪意

師古曰重音直用反

九虎

至華陰回谿距隘北從河南至山于匡持數千弩乘堆挑戰鄧曄將二萬餘人從閿鄉南出棗街作姑

師古曰閿讀與聞同作姑邪道所由也。韋昭曰閿音曷

破其一部北出九虎後擊之六虎敗走史

熊王況詣闕歸死莽使使責死者安在皆

自殺其四虎亡

師古曰六人敗走二大詣闕自殺四人亡

三虎郭欽陳

輦成重收散卒保京師倉

師古曰九人之中六人敗走三人保倉也

京師倉在華陰灌北渭口也輦音暉

鄧曄開武關迎漢丞相司直

李松將二千餘人至湖與曄等共攻京師

倉未下曄以弘農掾王憲為校尉將數百

人北度渭入左馮翊界降城略地李松遣

偏將軍誥臣等徑西至新豐與莽波水將

軍戰波水走韓臣等追奔遂至長門宮王

憲北至頻陽所過迎降

師古曰所至之處人皆來迎而降附也

大

西本下

北九下

四七

姓櫟陽申礪下邳王大皆率眾隨憲屬縣

釐嚴春

師古曰屬縣三輔諸縣也釐屬右扶風釐讀與郃同其人姓嚴名春

茂陵董

喜藍田王孟槐里汝臣緝屋王扶陽陵嚴

本杜陵屠門少之屬

師古曰姓屠門名少

眾皆數千人

假號稱漢將時李松鄧曄以為京師小小

倉尚未可下何況長安城當須更始帝大

兵到即引軍至華陰治攻具而長安旁兵

四會城下聞天水隗氏兵方到皆爭欲先

入城貪立大功鹵掠之利莽遣使者分赦城中諸獄囚徒皆授兵殺豨飲其血與誓曰有不為新室者社鬼記之更始將軍史譔將度渭橋皆散走譔空還衆兵發掘莽妻子父祖冢燒其棺槨及九廟明堂辟雍火照城中或謂莽曰城門卒東方人不可信莽更發越騎士為衛門置六百人各一校尉十月戊申朔兵從宣平城門入民間

西漢九下

七九九下

四十八

所謂都門也

師古曰長安城東出北頭第一門

張邠行城門逢

兵見殺

師古曰行音下更反

王邑王林王巡樊豐等分

將兵距擊北闕下漢兵貪莽封力戰者七

百餘人

師古曰獲莽當得封故貪之而力戰

會日暮官府邸第盡

犇亡二日己酉城中少年朱弟張魚等恐

見鹵掠趨謹並和

師古曰衆羣行謹而自相和也和音手卧反

燒作室

門斧敬法闥

師古曰敬法殿名也闥小門也謂斧斫之也

譁曰反虜

王莽何不出降

師古曰譁音火故反其下亦同

火及掖庭承明

黃皇室主所居也莽避火宣室前殿火輒

隨之宮人婦女譏諱曰當柰何時莽紺紵

服師古曰譏古啼字也紺深青而揚赤色也帶璽鞞

持虞帝匕首天文郎按拭於前師古曰拭所以占時日天

文郎今之用拭者也音式曰時加某莽旋席隨斗柄而坐

曰天生德於予漢兵其如予何師古曰論語稱孔子曰天

生德於予拒難其如予何故莽引之以為言也莽時不食少氣困矣三

曰庚戌晨旦明羣臣扶掖莽自前殿南下

西傳云九下

卷九

四九

椒除服虔曰邪行閣道下者也師古曰除殿陛之道也椒取芬香之名也西出白虎

門和新公王揖奉車待門外葬就車之漸

臺欲阻池水猶抱持符命威斗公卿大夫

侍中黃門郎從官尚千餘人隨之王邑晝

夜戰罷極師古曰罷音曰疲士死傷略盡馳入宮間

關至漸臺師古曰間關猶言崎嶇展轉也見其子侍中睦解衣

冠欲逃邑叱之令還父子共守莽軍人入

殿中諱曰反虜王莽安在有美人出房曰

在漸臺衆兵追之圍數百重臺上亦弓弩
與相射稍稍落去矢盡無以復射短兵接
王邑父子覺憚王巡戰死莽入室下晡時
衆兵上臺王揖趙博苗訢唐尊王盛中常
侍王參等皆死臺上商人杜吳殺莽取其
綬校尉東海公賓就故大行治禮師古曰公
賓姓也就
名也以先經以禮
故識天子綬也
見吳問綬主所在曰室中西
北陬間師古曰陬隅也音
子侯反又音鄒就識斬莽首軍人分

西傳卷九

七九九

九

裂莽身支節肌骨鬻分爭相殺者數十人

師古曰三輔舊
事云鬻切千段

公賓就持莽首詣王憲憲自稱

漢大將軍城中兵數十萬皆屬焉舍東宮

師古曰舍
止宿也

妻莽後宮乘其車服六日癸丑李

松鄧曄入長安將軍趙萌申屠建亦至以

王憲得璽綬不輒上多挾宮女建天子鼓

旗收斬之傳莽首詣更始縣宛市百姓共

提擊之

師古曰提擲
也音徒計反

或切食其舌莽揚州牧

李聖司命孔仁兵敗山東聖格死仁將其
衆降已而歎曰吾聞食人食者死其事拔
劍自刺死及曹部監杜普陳定大尹沈意
九江連率賈萌皆守郡不降爲漢兵所誅
賞都大尹王欽及郭欽守京師倉聞莽死
乃降更始義之皆封爲侯太師王匡國將
哀章降雒陽傳詣宛斬之嚴尤陳茂敗昆
陽下走至沛郡譙自稱漢將召會吏民尤

西傳卷九下

九下

五十一

爲稱說王莽篡位天時所亡聖漢復興狀
茂伏而涕泣聞故漢鍾武侯劉聖聚衆汝
南稱尊號尤茂降之以尤爲大司馬茂爲
丞相十餘日敗尤茂并死郡縣皆舉城降
天下悉歸漢初申屠建嘗事崔發爲詩師古曰
令丞相劉賜斬發以徇史譔王延王林王
吳趙閔亦降復見殺初諸假號兵人人望

曰就發
學詩

建至發降之後復稱說

師古曰妄言
符命不順漢

建

封侯申屠建既斬王憲又揚言三輔黠共
殺其主吏民惶恐屬縣屯聚建等不能下
馳白更始二年二月更始到長安下詔大
赦非王莽子他皆除其罪故王氏宗族得
全三輔悉平更始都長安居長樂宮府藏
完具獨未央宮燒攻莽三日死則案堵復
故更始至歲餘政教不行明年夏赤眉樊
崇等衆數十萬人入關立劉盆子稱尊號

攻更始更始降之赤眉遂燒長安宮室市

里害更始民飢餓相食死者數十萬長安

為虛師古曰虛讀曰虛城中無人行宗廟園陵皆發

掘惟霸陵杜陵完六月世祖即位然後宗

廟社稷復立天下艾安師古曰艾讀曰艾。劉放曰王莽三十八為大

司馬五十一居攝五十四即真六十八誅死居攝三年號初始元年始建國五天鳳六地皇四

贊曰王莽始起外戚折節力行以要名譽
宗族稱孝師友稱仁及其居位輔政成哀

之際勤勞國家直道而行動見稱述豈所

謂在家必聞在國必聞色取仁而行違者

邪師古曰論語載孔子對子張之言也不仁之人假仁者之也而所行則違之朋黨比周故能在家在

國皆有名譽莽既不仁而有佞邪之材又乘

四父歷世之權遭漢中微國統三絕而太

后壽考為之宗主故得肆其姦慝以成篡

盜之禍師古曰肆放也極也推是言之亦天時非人力

之致矣及其竊位南面處非所據顛覆之

卷之九下 漢書九十九下 五十三

執險於桀紂而莽晏然自以黃虞復出也

廼始恣睢奮其威詐師古曰睢音呼季反滔天虐民窮

凶極惡師古曰滔漫也毒流諸夏亂延蠻貉猶未足

逞其欲焉是以四海之內蹶然喪其樂生

之心師古曰蹶然衆口愁貌也音五高反中外憤怨遠近俱發城

池不守支體分裂遂令天下城邑為虛師古

曰虛讀立隴發掘害徧生民辜及朽骨自書

傳所載亂臣賊子無道之人考其禍敗未

有如莽之甚者也昔秦燔詩書以立私議

莽誦六藝以文姦言師古曰以六經之事文飾姦言同歸殊

塗俱用滅亡皆炆龍絕氣非命之運服虔曰易曰亢

龍有悔謂無德而居高位也紫色蠅聲餘分閏位

蘇林曰非命非天命之命也應劭曰紫間色蠅邪音也服虔曰言莽不得正王之命

如歲月之餘分為閏也師古曰蠅者樂之淫聲非正曲也近之學者便謂蠅之鳴已失其義又欲改此贊蠅聲為蠅聲引詩匪雞則鳴蒼蠅之聲尤穿鑿矣聖王

之驅除亡爾蘇林曰聖王光武也為光武驅除也師古曰言驅逐蠅除以待聖人也

右將監本杭本越本及三劉宋祁諸

本參校其有異同並附於古注之下

王莽傳第六十九下

正文壹萬壹仟陸佰柒拾字

注文參仟捌佰貳拾柒字

